

Tele Greenland A/S-ip kiffartuussisutaanik pilersuinermut ingerlatsinermullu piumasaqaatit nalinginnaasut

Inuussutissarsiornermik ingerlatalinnut

1. Isumaqaatigiissut

Atuisunut piumasaqaatit tulluittut TELE GREENLAND A/S-ip (matuma kingorna Tusass-p) atuisullu akornanni isumaqaatigiissutitut atuupput, sulliffeqarfiup akuersissummik pigisaqarnera naapertorlugu tamanut ammasumik attaveqaatitigut kiffartuussisutinik aamma qarasaasiatigut kiffartuussisutinik (tamatum kingorna kiffartuussisutit), Tusass-mit neqeroortutiginerqartunik pilersuinermut aamma ingerlatsinermut tunngasut. Atuisunut piumasaqaatit uku tassaapput kiffartuussisutit Tusass-mit tunniunneqartut pillugit piumasaqaatit nalinginnaasut. Taakkununga tapiliussatut ilaapput kiffartuussisutinut immikkut itunut tamanut immikkut piumasaqaatit. "Piumasaqaatit nalinginnaasut" aamma "Kiffartuussisutinut immikkut itunut piumasaqaatit" imminnut akerleriippata kiffartuussisutinut immikkut itunut piumasaqaatit piumasaqaatit nalinginnaasutit salluitinneqassapput.

Atuisunut piumasaqaatit Tusass-p attaveqaataanut tamanut ammasunut attavilerneqarnernut atuupput. Ingerlatsinermik aamma kiffartuussisummik pilersorneqarnissamik atuisuunermut maku ilaapput:

- Kiffartuussisummumut attavilerneqarneq ataseq imaluunniit arlalit.
- Kiffartuussisummumut atuisup toqqarsimasaanut atuufiit atortorisarullit qaqugukkulluunniit atuutut atorinissaanut periarfissaqarneq.
- Kiffartuussisutinik tapiliussalik il.il isumaqaatigiissuteqarsinnaasaa.

Atuisunngornermut atatillugu sullinneqartup inniminniunermut immersugassaaq immersussavaa (elektroniskimik aamma suliarineqarsinnaavoq), isumaqaatigiissutiginerqartup imarisaanik erseqqissaassutaasooq. Inniminniunermut immersugaaq Tusass-mit tunniunneqassaaq, imaluunniit nassiunneqassalluni. Inniminniunermut immersugassaaq, piumasaqaatit atuutut (nalinginnaasut aamma kiffartuussisutinut immikkut itunut), akil aamma ajornannigppat nioqqutigineqartoq pillugu paasissutissat ataatsimut tamarmik isumaqaatigiissummumut ilaapput. Kiffartuussisutinik, isumaqaatigiissummumut attuummasuteqartunik, kingusinnerusukkut inniminniunneq imaluunniit allannortitsineq Tusass-mut saaffiginninnikkut pisinnaavoq. Allannguut akuerineqartutut isigineqassaaq suliakkiutigineqartumut uppernarsaatip tiganerit ullut 14-it qaangiutisnagit akerlilisoqannigppat.

1.A. Elektroniskiumik attaveqaatigiinneq

Elektroniskiumik attaveqaatigiinnissamik atuisooq Tusass-mik isumaqaatigiissuteqarsinnaavoq, tamatum kingorna ele-mit atuisumut nalunaarutit, atuisup Tusass-mik isumaqaatigiissutaanut tunngasut, e-mailimut atuisup e-mail adressetut nalunaarutigisaanut nassiunneqartallissapput. Nalunaarutit tassaasinnaapput suliakkiutitut uppernarsaatit aamma nalunaarutit Tusass-mik isumaqaatigiissuteqarnermut tunngasut, tassunga ilanngullugit akini piumasaqaatinilla malunnaatilimmik allannguinissaq pillugu ilimasaarutit, kiisalu akilgassat aamma akiliinissamik eqqaasitsisutit.

Elektroniskiumik allagarsinarinnissamik isumaqaatigiissuteqarnermi atuisup nalunaarutit allakatut nalinginnaasutut tigusassanngilai, Tusass-ili atuisumut nalunaarutit allakkat nalinginnaasutut nassiutissallugit toqqarsinnaavaa.

Nalunaarutit il.il., e-mailadresse isumaqaatigiissutigineqartoq aqqutugalugu atuisup e-mailikkut tigusai, ilaatigut akiliinissamut, akuersinissamut aamma maalaaruteqarinnissamut piffissaliussanut tunngasut, allakkat nalinginnaasut aqqutugalugit tigu neqarnerisut inatsisitigut atuuffeqarput.

Atuisup akisussaffigiva e-mailadressemut isumaqaatigiissutigineqartumut nalunaarutinik Tusass-

mit nassitsisoqarsimanersoq ingerlaavartumik misissussallugu. Atuisup e-mailadreesa allannguuteqarpat atuisup emergerluni tamanna Tusass-mut nalunaarutigisavaa. E-mailadressemut isumaqaatigiissutigineqartumut nalunaarutinik nassitsinissaq pisinnaangippat Tusass atuisumut allakkat nalinginnaasut atorlugit nassitsinermut akiliuteqartitsinissamik piumasaqarnissaminut pisinnaatitaavoq. Tamatum kingorna elektroniskiumik attaveqaatigiinnissamik isumaqaatigiissut atorunnaartut Tusass-mit isigineqassaaq.

Elektroniskiumik attaveqaatigiinnissamik isumaqaatigiissut atuisumit atorunnaarsinneqarsinnaavoq, isumaqaatigiissutit atorunnaarsinneqarsanaak kissaateqarneq pillugu Tusass-mut e-mailimik nassitsinikkut, nalunaarummik tigusaqarnerup kingorna ullut arfineq marluk qaangiunnerini isumaqaatigiissut atorunnaasaaq, tamatumal kingorna atuisup nalunaarutit allakkat nalinginnaasut aqqutugalugit tigusallissavaa.

2. Isumaqaatigiissummi illuatungeriit

Isumaqaatigiissut una sullitap (atuisup) aamma Tusass-p akornanni isumaqaatigiissutigineqassaaq. Isumaqaatigiissummumut tunngatillugu illuatungeriit pisinnaatitaaffeqarlutillu pisussaaffeqarput, atuisorlu situgit tamatigut piumasaqaatinik eqqortitsinissaminut akisussaaffeqarpoq. Kiffartuussisut, atuisumit namminerit imaluunniit taassuma illoqataanit/suliffeqarfiutaanit imaluunniit atuisusinnaasumit allamit atorneqarsinnaanerata saniatigut, allanut atugassanngortinneqarnanilu attaveqaatigiit nassiunneqarnermut atorneqassanngilaq. Atuisooq atuisuffimmi atuinermik akilgassinneqassaaq, atui neq atuisumit namminerit imaluunniit atuisup saniatigut allanut atorneqarsinagaluarpualluunniit, aamma atui neq kiffartuussisummik kukkusumik naleqqutinngitsumilluunniit atuinermik pissuteqaraluarpat.

2.A. Najugaq pillugu nalunaarsuineq aamma allannortitsineq

Isumaqaatigiissusiornermi atuisup Tusass-mut ilisimatitsisutigisavaa suliffeqarfiup taaguutaa, najugaa (nuna najugaq), sullifup suussusia, GER-normua kiisalu ajornannigppat e-mailadreesaa. Atuisooq inuttut nammineq saaffiginnippat Tusass-p aamma CPR-normuumik paasissutissinneqarnissani piumasarinnaavaa, atuisup paasissutissartaasa tutsuignassusiisa ingerlaavartumik nalilersorneqarinnissaanut atugassamik.

Atuisup aammattaq Tusass-mut ilisimatitsisutigisavaa, pisariaqassappat, najugaq immikkut akilgassamik nassitsiffissaaq aamma nalunaarutit sumut nassiunneqartassanerut. Kiffartuussisutinut aalajangersimasunik ikkussugassartallinnut najugaq (B-normu) ikkussuffissaaq, ajornannigppat immikkut aamma nalunaarutigineqassaaq.

Tusass-p qinnuiginninneratigut paasissutissat eqqortuunerat atuisup uppernarsassavaa. Pisariaqartinneqassappat najugaqarnermut uppernarsaammik aamma/imaluunniit kinaassutsimut uppernarsaammik assitalimmik takutitsinissamik Tusass piumasaqarsinnaavoq.

Paasissutissat aamma Tusass-p nalunaarsugai isumaqaatigiissummumut tunngaviussapput, taakku allannortinneqarnerannik nalunaaruteqartoqarnissaata tungaanu. Najukkup allannortnerani atuisooq erngerluni tamanna pillugu Tusass-mut nalunaaruteqassaaq.

3. Tunniussinissamut piffissaaq aamma kiffartuussinermi qaffasissuseq

Kiffartuussisutinik tunniussinermi atuisooq aamma Tusass tunniussinissamut piffissamik aalajangersaassapput, suliasap il.il. annertussusiata nalilersorneqarenera tunngavugalugu. Tunniussinissaq

aalajangersarneqassaaq sapinngisamik atuisup kissaataa mailillugu. Tunniussinissamik piffissalissaq eqqortinneqarsinnaangippat sapinngisa-mik piffissaalluuartillugu tamatum kingorna Tusass atuisumut nalunaaruteqassaaq.

Tunniussineq naammassineneqarsinmassaaq kiffartuussisut atuisumit atorneqarsinnaalerpat.

Pitsaassutsip aamma sullissinerup qaffasissusia qaqugukkulluunniit atuuttoq pillugu paasissutissat Tusass-p nittartagaani, imaluunniit Tusass-mut saaffiginninnikkut pissarsiarineqarsinnaapput.

4. Tusass-p atortui, aalajangersimasumik ikkussugassat aamma attaveqaatit tamanut ammasut aamma nalunaarsuartaateqarnikkut kiffartuussisutit

Kiffartuussisutinut aalajangersimasumik ikkussugassartallinnut tunngatillugu najugaq ikkussuffissaaq atuisup nalunaarutigisavaa, attaveqaatinut eqiteruffimmik (NTP) Tusass ikkussissalluni. Tusass-p attaveqaataanut tamanut ammasunut attaviliunermut NTP atortuuvoq. Najukkami ikkussuffissami NTP-p inissisimaffissaaq Tusass-p aalajangersavaa. Atuisooq allamut inissinissamik kissaateqarpat, imaluunniit immikkut allannut kissaateqarpat, atuisooq tamatum kingorna immikkut akiliuteqassaaq. Kiffartuussisutinik tunniussinissami NTP-t atareersut atorneqarinnissaat Tusass-mit toqqarneqarsinnaavoq.

Tusass-p akornuteqarani NTP-mik aamma ledninginik ikkussuinnaasaaq atuisup isumagisavaa. Tamanna pisinnaangippat piffissaaq atorneqartoq Tusass-p atuisumut akilgassisutiginnaavaa. Suliap naammassinerni Tusass naammaginartumik torersaallunilu ileqqussaatut inissisaaq, kiisalu pisariaqannngitsumik ajoqusikanik iluarsisalluni. Ikkussugassamik ikkussuinerup, peersinerup imaluunniit nuussinerup kingunerisaanik sanaartukkanik iluarsaassinissamik pisariaqartitsilernerit atuisup isumagisavaa.

Kiffartuussisutinut atornissaanut attaveqaatinut atortumik (ass. routerimik) Tusass-p kiffartuussisutaanik atuisinnaangornissaq anguniarlugu, ikkussinissaq pisariaqassappat taanna attaveqaatinut eqiteruffissaaq. Tusass akiliisitsilluni atuisumut taassuminaq ikkussinnaavoq. Ikkussineq taanna atuisup atortuunik aamma najukkami attaveqaataanik ikkussinermut ilaangilaq.

Atortup ikkussukkap innaallagassimik pilersorneqartariaqarsinnaanera, aamma taassuma ingerlanneqarnera atuisup isumagisavaa. Atortumut tassunga aningaasartuutaasinnaasut atuisup akilgassariva. Atuisooq Tusass-p ikkussugaanik/atortuunik ilajangiinnaatitaanngilaq (tunniarlugit, attartortillugit, qularnaveqqusiisutigalugit il.il.) aammalu taakkuninnga passusisussaanani. Isumaqaatigiissutit taamatinneqarnerani ikkussukkat aamma atortut Tusass-mut utertinneqassapput. Utertitsisoqannigppat Tusass akiliuteqartitsinissaminut imaluunniit taarsissuteqartitsinissaminut pisinnaatitaavoq.

Tusass, Tusass-p attaveqaataanik tamanut ammasunik aamma kiffartuussisutaanik pisariaqartinneqartumik allannortitsinissamik pisinnaatitaaffeqarpoq, taakku naammaginartumik ingerlanneqarinnissaat qulakkeerniarlugu imaluunniit oqartussasut piumasaqaataat naammassiniallugu. Allannguutit pillugit atuisup piffissaalluuartillugu ilisimatinneqartarnissaaq Tusass-mit anguniarneqassaaq, allannguut atuisup kiffartuussisummik atuineranut pingaarutilittut Tusass-mit nalilersoneqarpat.

Najugaq ikkussuffissaaq tassaassaaq najugaq nalinginnaasooq, sullitap illua, inuussutissarsitutigalugu suliffeqarfik imaluunniit aalajangersimasumik suliffigisatagaq aamma Tusass-p attaveqaataanut tamanut ammasunut ilaasooq. Najugaq

ikkusuuffissaq immikkut ittuuppat (ass. toqjit, sanasut inaat, talittarfanni inii) imaluunniit teknikkikkut ikkussugassaq (ass. antennenut napparuit, nak-kutillineranut atortut) tunniussineq aamma ingerlatsineq immikkut akiliuteqarluni pissaaq.

5. Atuisup atortui aamma najukkami attaveqaatit, atuisup kiffartuussissummik atuinera il.il.

Tusass-p attaveqaataanut tamanut ammasunut at-taviit akornusersuutaangitsumik, kipisqaattartitsinnigsumik assingusumilluunniit akornusersuutaangitsumik atorneqarnissaat atuisup qulakkiissavaa. Akornusersuutit il.il. taamaattut pilerpata atuisoq erngerluni tamatumunnga iliuseqassaaq, ass. attaveqaatitigut tigusat nassiusalla annikkisillugit, imaluunniit Tusass-p attaveqaataanut tamanut ammasunuk annertunerumik pisilluni, imaluunniit akornusersuineranut il.il. pis-sutaasoq unitsillugu.

Atortut, imaluunniit najukkami attaveqaatit, attaveqaatinut tamanut ammasunut ilanngunneqartut, attaveqaatit akornusersorneqarnerannik pilersitsip-pata atuisoq pisussaavoq attavilersimaneq ernger-luni pissallugu. Atortut aamma najukkami attaveqaatit, toqqaannartumik toqqaannangitsumilluunniit attaveqaatinut tamanut ammasunut attavilerneqarsimasut, oqartussaasunit akuerineqarsimanissaat atuisup qulakkiissallugu aamma pisussaaffigivaa.

Attaveqaatinut tamanut ammasunut terminalinik at-taviliineq attaveqaatit eqiteruffiannut ikkunne-qassaaq. Attavileeriaatsit allat atorneqarsinnaapput, pisuni ataasiakkaani tamani immikkut Tusass-mik isumaqatiigiissusiornikkut.

6. Normumik tunniussineq

Atuisunik ataviliinerit tamaasa Tusass oqarasuaamut normumik, kaaviaartitsinerimi normumik imaluunniit allatut ilisarnaasiussamik, kiffartuus-sisummatt attaveqaatinut ataasiakkaanut tamanut tunniussisarpoq. Pisuni immikkorluinnaq ittuni Tusass akisussaatinneqarani normumik allangortitsinissaminut pininnaatitaavoq, tamanna teknikkikkut imaluunniit ingerlatsinikkut pissuteqartumik pisariqartinneqarpat. Allanguut pillugu atuisoq sivikin-nerpaamik ullunik 14-inik piffissalerlugu nalunaarfigineqassavaa.

Atuisup kissaateqarnera maillillugu normumik allan-gortitsineq pisarnermisut pininnaassaaq. Tusass tamatumunnga akiliuteqartitsinissamik pininnaatitaaffeqarpoq.

6.A. Atuisut allattersimaffiat

Tusass nittartakkamik tamanut ammasumik oqarasuaatit normuinik paasiniaanermut kiffar-tu-ussissummik neqerooruteqarpoq, ilaatigut Tusass-p oqarasuaatinik attartortorisaannik ujaasiffigi-neqarsinnaasumik. Paasissutissanut kiffar-tu-ussis-sut aalajangersimasumik nutarterneqartarpoq. Atuisoq attavilerneqarnerit tamaasa akeqan-gitsumik atuisut allattersimaffiannut naatsumik ilanngunneqarnissaminut pininnaatitaaffeqarpoq. Naatsumik ilanngunneqarnermut ilaapput, ateq, najugaq aamma oqarasuaatit normua. Atuisup akis-sussaaffigivaa ilanngunneqarneq inatsinik, ima-luunniit inuup allap pininnaatitaaffiinik uni-oqquutissiuuanniginissaa. Aqgit allattersimaffianni ilanngunneqartut tamarmik allangortinneqaratik ingerlaannassapput, atuisujuunnaarneq imaluunniit allangortitsineq pitinnagu.

Atuisup qinersinnaavaa isertortumik normoqarnis-sani. Atuisut isertortunik normullit atuisut allattersi-maffiannut ilanngunneqarneq ajorput, aammalu normut Tusass-mut saaffiginninnikkut paasissutissi-issutiginneqarneq ajorput.

7. Atuisut pillugit paasissutissanik suliarinninneq (sianerneq aamma datamik atueineq)

Tusass atuisut pillugit paasissutissanik nalunaar-suisarpoq, tassunga ilanngullugit inuk pillugu paasissutissat, kiisalu atuinermut aamma attaveqaatitigut datamik atueineq, atuisup kiffartuussis-summik atuineranik eqqortumik akiligassii-sinnaan-issaq siunertaralugu, takuuk imm. 10. Paasissutissat nalunaarsorneqarsimasut ilaatigut maknunnaa ilaqarsinnaapput, atuisup atia, naju-gaa imaluunniit e-mailadressa, atuisup attaveqaa-taa il.il., atuisup oqarasuaataata normua imaluunniit ip-adressa, normu sianerfigineqartoq, atuinerp sivirusssiata nalunaarsorneqarnera kiisalu datap aaneqartup annertussusia, Megabytimut (MB)

uuttorlugu. Oqarasuaatinut angallattakkanut kiffartuussissutinut ilaatigut nalunaar-sorneqarsinnaapput SIM-kortip normua, oqarasuaatip angallattakkap normua. Internettikkut kiffartu-ussisutininut Tusass ilaatigut atuisup atortuata serienormuanit kiisalu atuisut ip-adressiinik nalunaarsuinnaavoq.

Tusass-p paasissutissat taakku inummuk allamut ingerlateqqissangilai, inatsisitigut piumasaqaatit maillilugit tamanna piumasaqaatineqanngippat, imaluunniit inunnut paasissutissanik suliarin-nittarneq pillugu inatsimmi tamanna tunngavissa-qanngippat. Paasissutissat inunnut tunngasut pineqarpata nalunaarsorneqarsimasut inunnut paasissutissanik suliarinnittarneq pillugu inatsit maillillugu paasissutis-sanik taakkuninnga paasitinneqarnissamat, aamma naqquteqarnissamat pininnaatitaaffeqarput. Nalunaarsorneqarsimasoq pininna-titaaffinnik taakkuninnga atuinissaminik kissaateqaruni Tusass-mut saaffiginnissinnaavoq.

8. Nuussineq

Kiffartuussissutinik aalajangersimasumik ikkussu-gassartalinik atuisoq akiliuteqarluni attaveqaatit nuunneqarnissaannik inniminniinnaavoq. Atuisoq aammattaq akiliuteqarluni kiffartuussis-summik qamitsinissamik inniminniinnaavoq, kingusinnerusukut nuunneqartussamik imaluunniit ammaqqinneqartussamik. Isumaqatiigiissut ma-toqquatisinerup nalaani ingerlaannassaaq, taamaalliluni ilaatigut atuisup attartornermut akiligas-saminik akiliinissamat pisussaaffia allangorani ingerlaannarsinnaaqqullugu. Nuussineq ilaatigut routerip naleqqussartaria-qarneranik, takuuk imm. 4, pisariaqartitsiffiu-sappat, Tusass tamatumunnga akiliuteqartitsinissaminut pininnaatitaavoq.

9. Akit

Tusass atuisumut isumaqatiigiissut naapertorlugu kiffartuussissutinut akinik aalajangersaassaaq, takuuk imm. 1. Akigititanik aalajangersaaneq aamma akigititanut tunngavigineqartut Naalakker-suisunit akuerineqarput, taakkuninnga malittarisas-sat maillilugit. Tusass atuisunngormermut, atuisuunermut aamma atuinermut akiliuteqartitsinissaavoq. Tamatuma saniatigut Tusass tapiussamik sullissinermut aamma ataasiartumik sullissinermut il.il. immikkut akiliuteqartitsinissaavoq. Akigititanut aamma akiliutiginneqartatunut qaqugukkulluunniit annertussuseritinneqartut pillu-git paasissutissat Tusass-p nittartagaani imaluunniit Tusass-mut saaffiginninnikkut pis-sarsiarineqarsinnaapput. Tusass-p nioqquutit immikkut akuersis-suteqarfigi-neqanngitsut ataatsimoortillugit qaqugukkulluunniit nioqqutisinnaavaa, piumasaqaatit immikkut itutt atorlugit.

10. Akiliineq

Atuisumut isumaqatiigiissut naapertorlugu akiligassi-ineq kingusinnerpaamik akiliiffissatut ullulik nassiu-neqassaaq. Tusass akiligassiineranut ataatsimut qarasaasiak-kut anillatsinneqartumut akiliuteqartitsinissamik pi-sinnaatitaaffeqarpoq. Atuisup akiligassaq betalingservice aqquutigalugu, imaluunniit akiliinissamat korti atorlugu akilissavaa. Atuisoq akiligassissutinut arlalinnut tunngasumik akiligassamik ilaannakortumik akiliuteqarpat, akili-utigineqartuq sumut tunngasuuneruq ilanngunne-qarani, akiliutigineqartut akileeqqussissutinut sorlernet matussu-siisanersut Tusass-p nammi-neerluni aalajangersassavai. Kiffartuussissutinik pinsinissamik isumaqatiigiissute-qarnerit tamaasa kiffartuussissummuk akigitinne-qartutut aalajangersakkanik akiliitsisoqassaaq. Akigititat taakku tassaasinnaapput atuisuunermut qaammammut akiliut, atuinert aamma kiffartu-ussinerit immikkut itutt. Akiligassami ataatsimi tun-gaviusumik atuisup atugai katillugit, aamma akiligassiinerup kingullup kingorna akiliutiginne-qartusarngorsimasinnaasut, akiligassissutigin-neqartarput. Pisut ilaanni, ass. nunanut allanut sianernermi, kiffartuussissutinut immikkut itunut sianerit, imaluunniit akiliutissanut akiligassii-sutiginneqarsimanningsunut tunngasut akileeqqu-sissutin akiligassani kingusinnerusukkut takkuttuni ilanngunneqarsinnaapput. Akiliinerimi danskit aningaasaat atorneqassapput.

Akiligassami pineqartumi kiffartuussissutinut allanut atuisuunermut akiliuteqartitsinissamik Tusass pi-sinnaatitaaffeqarpoq, Tusass-p attaveqaateqarnikkut aamma datamik pilersuinikkut kiffar-tu-ussisutit neqeroorutaanut tunngatillugu. Akiligassanik pappi-alanngorlugit tunniunneqartunik akiliuteqartitsinissamik Tusass pininnaatitaaffeqarpoq.

Atuisuunermut atatilugu akiligassat pillugit maa-laruteqarsinnaaneq akiligassap ullulernerqarneranik qaammatinik arfinilinnik siviussuseqarpoq. Kingusinaarluni akiliuteqarnermi akiligassat erni-aannik, akiliinissamat ulliussap qaangiunnerani, aamma taakku akilerneqarnissaasa tunngaannut, Er-nialisarnermut Inatsimmi tamatumunnga aalajan-gersakkat maillilugit, Tusass akiliuteqartitsinissaminut pininnaatitaaffeqarpoq. Tusass aammatta-q akileeqqussissutinik nassitsinermut atatilugu akiliuteqartitsinissamik pininnaatitaaffeqarpoq. Eqqartuussinertaqanngitsumik akilersuinissamik isumaqatiigiissuteqarnermut atatilugu pilersit-sinermi, allanguinermi aamma taamaatitsinermi Tusass akiliuteqartitsinissaminut pininnaati-taaffeqarpoq.

10.A. Elektroniskiusumik akiligassineq

Atuisup akiligassaq elektroniskiusumik e-maili aqquutigalugu tigusassallugu toqqarsinnaavaa. Atuisup akiligassaq elektroniskimik tigusarumallugu qinnuiginnippat Tusass tamanna pillugu suliaakkium-mut uppunarsaammik atuisumut nassiuussissaaq, tamatumala kingorna atuisup akiligassani allakkatut nalinginnaasutut tigusarunnaassavaa. Tusass-ili akiligassat allakkatut nalinginnaasutut atuisumut nassiuussallugit qaqugukkulluunniit toqqarsinnaavaa. Atuisup akiligassaq elektroniskiusumik nassiuunne-qarnerata saniatigut pappialanngorlugi allakkatut nalinginnaasutut nassiuunneqartimissaa kissaatigip-pagu akiligassamik nassitsinerit tamaasa akili-uteqarnissamik Tusass piumasaqarsinnaavoq.

Akiligassat, atuisumit elektroniskiusumik tigune-qartut ilaatigut akiliinissamat, akuersinissamat aamma maalaaruteqarnissamat piffissaliussanut tunngasut allakkat nalinginnaasut aqquutigalugit tigunearnerisuullit inatsisitigut atuffeqarput. Atuisup akisussaaffigivaa aqqiussummik taas-suminnga isumaqatiigiissut maillillugu akiligassamik elektroniskiusumik Tusass-mit nassitsisoqarsiman-ersoq ingerlaavartumik misissussallugu. Atuisup akiligassaq e-maili aqquutigalugu tigusas-sallugu toqqarsimaguniuq, atuisup e-mailadressaata allannuuteqarnerani atuisoq tama-tuminnga Tusass-mut nalunaaruteqassaaq. E-mailadressemut isumaqatiigiissutiginneqartumut akiligassamik nassitsinissaq pinnaanngippat Tusass atuisumut allakkat nalinginnaasut atorlugit nassitseqinnernerminut akiliuteqartitsinissamik pi-umasaqarnissaminut pininnaatitaavoq. Tamatuma kingorna akiligassat elektroniskiusumik nassiuunne-qartarnissaannik isumaqatiigiissut atorunnaartutut Tusass-mit isigineqassaaq. Atuisup elektroniskimik akiligassisarneq qaquguk-kulluunniit taamaatissinnaavaa, tamatuma kingorna atuisoq Tusass-mit akiligassanik allakkat nalingin-naasut atorlugit nassinneqatitallissaaq. Taamaatitsineq atuutilissaaq taamaatitsinermik nalunaarutip tigunearneranik periarfissaq siulleq atorlugu.

11. Qularnaveeqqusineq aamma akiliinnaas-sutsumik naliliineq

Tusass qaqugukkulluunniit atuisup akiliinnaas-susianik naliliinnaavaq, tassungalu atugassamik akiitsulinnik suliqartarfinnut attuumassuteqan-ngitsunut paasissutissanik pissarsiarsinnaalluni. Tusass-p isumaqatiigiissusiunerup pinerani, ima-luunniit kingusinnerusukkut, pis-sutissaqarsoriguniuq atuisoq piffissaq eqqorlugu akiliinissamik pisussaaffimmik eqqortitsinavian-gitsoq, aningaasanik sillimattit toqqortaate-qarnissamik imaluunniit aningaaserivimmi uter-te-qqqinneqarsinnaanngitsumik qularnaveeqqusi-nissamik imaluunniit qularnaveeqqusiinermut sillim-massiarfimmuq, Tusass-mit akuerineqarsimasu-mit, qularnaveeqquersimanissamik pi-umasaqarnissaminut pininnaatitaaffeqarpoq, Pisuni, tulliuuttu taaneqartuni, Tusass ilaatigut qularnaveeqqusiinissamik piumasaqaateqarnis-saminut tunngavissaqarsinnaavoq:
 a. Atuisoq Kalaallit Nunaata avataani naju-gaqarpat.

- b. Atuisunut isumaqatigiissut allamat tunniunneqarpat.
- c. Atuisoq akiliggassalinnut suliaqartarfimmi attuumassuteqanngitsumi nalunaarsorneqarsimappat imaluunniit nalunaarsorneqarpat.
- d. Atuisoq siusinnerusukkut atuisunut isumaqatigiissut naapertorlugu akiliuteqartarnissamik pissusaaffimminik sumiginnaasimappat.
- e. Atuisup kiffartuussissummik atuinera kiffartuussissummik assinganik atuisut aguaqatigiissillugu atuinernit annertunerujussuurtut nalilerneqarpat, imaluunniit siusinnerusumut sanilliullugu tassangaannartumik qaffariapiloorpat.
- f. Atuisoq Tusass-mut allanik akiisoqarpat.

Qularnaveeqqusiissutip annertussisissaa Tusass-p kiffartuussissummik pineqartumut atuisumut kvartalini marlunni akiliggassissutissamisu naatsorsuutigisaatut, tamaattorli ikinnerpaamik 2.000 kr.-nik annertussuseqassaaq.

Imm. B-mut tunngatillugu qularnaveeqqu-siisoqarsimappat qularnaveeqqu-siisnissamik pissusaaffik, tunniussisup Tusass-mut akiitsuni akilereerpigit, atorunnaarsinneqassaaq.

Imm. C-E-mut tunngatillugu qularnaveeqqu-siisoqarsimappat, aammalu qularnaveeqqu-siisinerup kingorna ukiup ataatsip ingerlanerani qularnaveeqqusiissutip atorneqarissaanik pi-umasaqarissamik Tusass-mut pissutissaqanngippat, atuisup qularnaveeqqu-siisnissamik pissusaaffia atorunnaarsinneqassaaq.

Qularnaveeqqu-siisnissamik tunngatillugu aningaasartuutit atuisumit akilernerqassappat. Taamatutaaq aningaasat sillimmatit toqortoatigineqartut atuisumut erniaqartinneqassanngillat.

12. Atuisup sumiginnaanera

Atuisunut isumaqatigiissummumt uunga aamma kiffartuussissutinik suliffeqarfup akuersissummik pigisaqarnera naapertorlugu Tusass-mit neqeroortigineqartunik atuisoq pisussaaffimminik annertuumik sumigiinaappat atuisup kiffartuussissutinut attaviinik unitsissalluni Tusass pinnaataaiffeqarpoq.

Pisut, tulluittumu taaneqartut ilaatigut annertuumik sumiginnaanertut isigineqarpat:

- a. Qularnaveeqqu-siisnissamik Tusass-p pi-umasaqaateqarnera piffissaatillugu atuisup eqqortinngippagu, takuuk imm. 11.
- b. Atuisunngormermut akiliutip akiligasartaata piffissaatillugu akilernerqanngippat.
- c. Atuisuunermut akiliutit aamma atuinermut aningaasartuutit il.il. Tusass-p akileqqeussissummik nassitsinerani imaluunniit erngerluni akilernerqarissaannik pi-umasaqarnerani akilernerqanngippata.
- d. Attaveqaatinik, Tusass-p attaveqaataani tamanut ammasuni, akornusersuutaasut iluarsineqarissaannik Tusass-p pi-umasaqarneranik iluarsini-arluni atuisoq iliuuseqanngippat.
- e. Atortut imaluunniit najukkami attaveqaatit attaveqaatinut tamanut ammasunut akornusersuutaasumik kinguneqartut qaminneqarissaannik Tusass-p pi-umasaqaataa atuisumit iliuuseqarfigineqanngippat.
- f. Atuisoq atortunik, pisortanit akuersaanngitsunik imaluunniit Tusass-p attaveqaataanut tamanut ammasunut ikkunneqarissaannik naatsorsuussaanningsunik, takukk Nalunaarsuartaatigut aqqutinut tamanut ammasunut terminalini atortunik atassu-sisarneq pillugu Namminersornerullutik Oqartussat Nalunaarutaat, atuiptat, aammalu taakku attaviisa peerneqarissaannik imaluunniit qaminneqarissaannik Tusass-p pi-umasaqarnera aallaavigalugu iliuunngippat.
- g. Tusass ajoqutaasunik ujaasinissaq il.il. siunertarlugu nammineq atortuminik tikitsinnaanngippat.
- h. Attaveqaat Tusass-p akuersissummik pigisaqarneranik unioqqutitsisumik atorneqarpat, imaluunniit Tusass-mut

allatut inatsisitigut unioqqutitsineranik kinguneqartitsippat.

- i. Atuisoq najukkami allannгорneranik nalunaaruteqanngippat.
- j. Atuisoq Tusass-p kiffartuussissutaanik atuinermut akiliggassaqarpat.
- k. Atuisoq akiliisinnajunnaartutut suliarineqalersimappat.

Qulaani taaneqartut tunngavigalugit attaveqaammik qamitsineq piffissami pineqartumi atuinermut akiliggassanun apparsaataasumik kinguneqassanngillaq.

Atuisup kiffartuussissutinik atugaanik qamitsinissamik Tusass pinnaataaiffeqarpoq, atuisoq kiffartuussissutinut taakkununga akiliggassaminik akiliinngippat. Qamitsinerumt pissutaasut atuisup iluarsiffigipagit, tassunga ilanngullugu akiliggassamik akiliineq, attavik periarfissaq siulleq atorlugu Tusass-mit ammaqinneqassaaq. Tusass tama-tununga akiliuteqartsitsinissaminut pinnaataaiffeqarpoq.

Atuisoq, akiliggassamik akiliinnginnermigut atuisunut isumaqatigiissummik annertuumik sumiginnasimasooq Tusass-mut nutaamik isumaqatigiis-susiorsinnaanngilaq, akiliggassaq akilernerqareertin-nagu.

Qamitsinerumt tunngavigineqartut atuisup iluar-siiffiginngippagit Tusass ilimasaareqqaarani isumaqatigiissummik taamaatitsinnaavoq, takuuk imm. 16.

Tusass aammattaq atuisup kiffartuussissummumt attaveqaataanik qamitsinissaminut, kiffartuussis-summik atuisinnaaneranik killilersuinissaminut ima-luunniit isumaqatigiissummik tamakkiisumik ilaan-akortumilluunniit taamaatitsinissaminut pinnaati-taaffeqarpoq, atuisup akiliisinnajunnaanerani, akilersuinnajunnaanerani, isumaqatigiissusiornissaq si-unertarlugu isumaqatiginniinerneranik aallartitsinerani imaluunniit aningaasaqarnikkut an-nertuumik ajorseriaateqarnerit allat pissutigalugit.

13. Tusass-p sumiginnaanera

13.A. Ajoqummik iluarsineq

Tusass-p nammineq atortumini ajoqutit sukkanerpaamik iluarsinertarpat, taamaattorli nalingin-naasumik sulinerup nalinginnaasup nalaani. Tusass-p ajoqutininik ujaasinerani aamma iluarsiniar-nerani nammineq atortumini aamma ikkussukka-minik najukkami ikkussuiffiusumut tikit-sinnaanera atuisup qulakkiissavaa. Kiffartuussissutini najukkani aalajangersimasumik ikkussuiffiusuni aamma an-nertusisamik kiffartuussissammik isumaqatigiis-susiorqarsinnaavoq. Atuisoq ajoqummik nalunaaruteqarpat, paasinarsip-pallu Tusass-p attaveqaataani tamanut ammasuni imaluunniit kiffartuussissummi imaluunniit terminal-inut atortuni, atuisuuffimmumt atalligulu Tusass-mit tunniunneqartumi, ajoquteqanngitsooq, Tusass-p ajoqummik ujaasinerani aningaasartuutit matu-susernissaannut atuisoq pisussaaffeqarpoq. Piff-issami isumaqatigiissuteqarfiusumi Tusass akornusersuutitaqanngitsumik tikitsinnaanngippat Tusass piffissamik attalussinernerminut aamma angallassinermi atuisumut akiliggassinissaminut pinnaataaiffeqarpoq. Atuisup najukkami ikkussuiff-iusumi atortuni aamma ikkussukkani ajoqutininik ujaasinissaq aamma ajoqutininik iluarsinissaq si-unertarlugu atuisoq pisariaqartitsineq naapertor-lugu peqataanisaminut pisussaaffeqarpoq. Atuisoq Tusass-p atuisunut kiffartuussivianut, ima-luunniit e-mailimut ajoqutininik nalunaarute-qarsinnaavoq.

13.B. Attartortuunermut akiliummik appaaneq

Tusass-p attaveqaataani tamanut ammasuni ima-luunniit kiffartuussissutaani, attaveqaatip qamin-neranik kinguneqartumik, ajoquteqalerpat atuisup saaffigininneratigut piffissami pineqartumi atuisu-mut akiliutigitinneqartumik naleqquqtumik Tusass appaassaaq. Appaanerli taamaallaat tunniunne-qassaaq qamittoorneq ajoqutip nalunaarutigineqarneranit ullut suliffiusut tallimat sinnerlugit sivi-sussuseqarpat. Oqarasuutaatun angallattakkanut kiffartuussissutinut tunngatillugu, attaveqannginneq pissutigalugu ima-luunniit sumiiffimmi attaveqaatit artuk-kerneqarneranik pissuteqartut atuisutit akiliutig-itinneqartumik appaanissaq pinnaataaiffeqineqan-ngilaq.

14. Akisusaaffik

14.A. Taarsisussaanngortitaaneq

Kalaallit Nunaanni taarsisussaaaitaanermut inatsisit nalinginnaasut maililugit ikkussuiffinnik aamma atortunik atuisumi ikkussuunneqarsima-sunik, aamma Tusass-mit pineqartunik, ajoqusernerit aamma ajoqusiinerit pillugit atuisoq akisussaasuuvoo. Taarsisussaaaitaanermut aam-mattaq tillinriarnerfigineqaratarsinnaaneq, tam-maasaqaratarsinnaaneq, aamma naatsorsuutigineqanngitsumik ajoquseratarsinnaaneq, ass. ikuallattoqarnerani ajoqusernerit, imermik ajoqusernerit ilaapput. Atuisoq ikkussukkanik/atortunik Tusass-mit annaaneqartunik, tammaanermik imaluunniit ajoqusiineranik pissuteqartunik taarsi-inissaminut pissusaaffeqarpoq.

Kalaallit Nunaanni taarsisussaaaitaanermut inatsisit nalinginnaasut maililugit Tusass-mit, imaluunniit in-unniit Tusass-mit akisussaaffineqartunit, iliu-serineqartut imaluunniit iliuuserineqanngitsut pis-sutigalugit annaasaqaatinut Tusass taarsii-sussaa-taavoq, ataani taaneqartut killiisioralugit:

Qamittoomerit, akornusersuutit imaluunniit teknik-kikkut aamma aserfallatsaalinikkut pisariaqartutut nalilerneqartunik imaluunniit pisortanit pi-umasaqarfigineqarneq tunngavigalugu Tusass-p at-taveqaataasa tamanut ammasut imaluunniit kiffartu-ussisutit allannngortinneqarnerinut atatillugu sulia-qarnerani annaasaqaatinik Tusass taarsisussaa-taanngilaq.

14.B. Pissusaaffimik eqqortitsinnaajunnaaneq

Tusass-p aqussinnaanningsaanik pissuteqartumik tunniussinnaannginnermi imaluunniit qamit-toormi il.il., Tusass pisussaaffimminik eqqortitsi-nissaminut imaluunniit taarsinissaminut pi-sussaaffeqanngilaq, tassunga ilanngullugu, kisianni killiisiorinagu, kallernerani, innaalagissap qamit-toomerani, qarsutsisoqarnerani, ikuallattoqarnerani, sorsuttoqarnerani, suliumajunnaartoqarnerani, suliaritoqusiinnaartoqarnerani, tassunga ilan-ngullugu aamma Tusass-p nammineq sulisuisa aamma pi-siortorfiisa akornanni suliu-majunnaar-toqarnerani aamma suliaritoqusiinnaar-toqarnerani.

15. Isumaqatigiissummik allamat tunniussineq

Atuisoq, Tusass-p akuersineratigut, atuisutut isumaqatigiissummik atuisumut nutaamut tunniussis-innaavoq. Tusass-p pi-umasaqarinnavaa massak-kumut atuisup aamma atuisunngortussap tunniussi-neq atsiornikkutat atutilersissagaat.

Tunniussinissamut piffissaq pillugu atuisunngor-tussaq, atuisuusimasooq aamma Tusass isumaqatigiissuteqassapput, taamaattorli atuisuusi-masup akiliggassarissaminik akilereernerata kingorna, aamma atuisunngortussaq suliaqkimmumt uppernarsaammik tigusaqareerpap. Piffissami tas-sani maannamat atuisuusap Tusass-mut akiliggassai naatsorsorneqassappat. Atuisunngortussaq isumaqatigiissut naapertorlugu akiliggassamik tamanik, tunniussinerup kingorna pilersunik, akiliisussaati-taavoq.

Isumaqatigiissutit tunniunneqarneranut atatillugu atuisunngortussamut tamatumunna akiliuteqartitsi-nissamik Tusass pinnaataaiffeqarpoq.

Tusass-p atuisumut isumaqatigiissut, imaluunniit taassuma ilaa, suliffeqarfirmumt Tusass-mut attuumassuteqartumut imaluunniit Tusass-p suliaanik ataatsimoortumik allamat tunniussinermi tunniussinnaavaa.

16. Taamaatitsineq aamma piffissaq pituttorsimaffik

Atuisup isumaqatigiissut taamaatitsinnaavaa, tas-sunga ilanngullugit atuisunut/kiffartuussissutinut ilassutit isumaqatigiissutit qaammatip tulliaata aallartinnissaanun qaammat ataaseq siokullugu iil-masaaruteqarnikkut.

Piffissamik pituttorsimaffiusumik isumaqatigiit-toqarsimappat, piffissap pituttorsimaffiup iluani isumaqatigiissut atuisumit taamaatinneqarsinnaanngillaq. Pituttorsimannissamik piffissamik, kiisalu tama-tama siviussusissaanik isumaqatigiittoqarsiman-ersoq Tusass-p suliaqkimmumt uppernarsaataani takuneqarsinnaavoq.

Atuisup isumaqatigiissut taamatissinnaavaa piff-issap pituttorsimaffiup naanissaanun sivikin-nerpaamik qaammammik ataatsimik ilimasaarute-qarnikkut.

Aammattaq atuisup isumaqatigiissut taamaatissin-naavaa siviinnerpaamik qaammatip tulliaata

aallartinnissaanut qaammat ataaseq sioqqullugu, atuisutut akiligassamik aamma piffissap isumaqatigiissuteqarfiusup naanissaata tungaanut minnerpaaffiilluni atuinissamik ilanngussisoqassagaluarpat matussutissanik akiliuteqarluni.

Atuisumut isumaqatigiissut tunngaviusumik Tusass-p tungaaninngaanniit atorunnaarsinneqarsinnaanngilaq, taamaatorli isumaqatigiissut Tusass-p atorunnaarsinnaavaa, sivikinnerpaamik ullut arfineq marluk sioqqullugit ilimasaaruteqarluni, atuisup kiffartuussissutinut attavia imm. 12 naapertorlugu sumiginnaanermik pissuteqartumik matuneqarsimappat. Piffissap isumaqatigiissuteqarfiusup naannginnerani atuisup matusinermut pissutaasoq aaqiissuteqarfigippagu tamanna atorunnaarsinneqassaaq.

Atuisumut isumaqatigiissut, imm. 12 naapertorlugu sumiginnaaneq pissutigalugu atorunnaarsinneqarsimasoq, kiffartuussissummut pineqartumut akiligassat tamaasa, kiisalu tamatumunnga akiliummik akiliuteqareernikkut, pilerseqqinneqarsinnaavoq.

Tusass-p atuisumut isumaqatigiissut atorunnaarsinnaavaa sivikinnerpaamik qaammatit arfinillit sioqqullugit ilimasaaruteqareernikkut, terminalinut atortut imaluunniit atortut allat iluarsineqarsinnaanngitsunik, imaluunniit qitiusumik atortut il.il. taarserneqarmerisigut iluarsineqarsinnaanngitsunik ilaqarpata.

Tusass kiffartuussissutinik ataasiakkaanik imaluunniit kiffartuussissutinik tapiliussanik imaluunniit atorissaarutinik neqerooruteqarunnaarnissamik aalajangiiguni, imaluunniit Tusass-p akuersissummik pigisaqarnera Naalakkersuisunit atorunnaarsinneqarpat, Tusass atuisumut isumaqatigiissummik imaluunniit taassuma ilaanik atorunnaarsitsinnaavoq, sivikinnerpaamik qaammatinik arfinilinnik sioqqutsilluni ilimasaaruteqareernikkut.

Piffissap isumaqatigiissuteqarfiusup naanerani illuatungeriit akiligassaanik Tusass naatsorsuissaaq, aamma akiliutinik utertilluni imaluunniit nikingassutaasoqassappat akileeqqusilluni.

Tusass akiliutinik utertissagaluarpat, Tusass-p taamaatitsinermik nalunaarummik tigusaqarneranit ullut 30-t miss. qaangiunnerini aningaaserivimmi kontomut, atuisup Tusass-mut paasissutissiisutigisassaanut, ikisisoqassaaq. Akiliutinik utertsinermut akiliuteqartitsinissamik Tusass piumasaqarsinnaavoq.

17. Piumasaqaatinik aamma akinik allanngineq

Tusass-p piumasaqaatit uku, ilassutitut immikkut kiffartuussissutinut atuisunut piumasaqaatit kiisalu atuisunngornermut aamma atuisuunermut akiliutit, atuinermut akiliutit aamma akiliutit immikkut itut il.il., sivikinnerpaamik qaammammik ataatsimik sioqqutsilluni ilimasaaruteqarnermigut allanngortissinnaavai.

Allannguutit allakkatigut imaluunniit Kalaallit Nunaanni tugassiorfiit aqutigalugit atuisumut nalunaarutigineqarsinnaapput, soorluttaaq taakku Tusass-p nittartagaani (www.tusass.gl) takuneqarsinnaassasut.

Allannguutit pitsanngorsaatinut tunngasut, tassunga ilanngullugu assersuutigalugu akinik appaanerit nalinginnaasut, ilimasaarutigeqqaanngikkaluarlugit aamma tamanut saqqummiuteqqaanngikkaluarlugit suliarineqarsinnaapput.

18. Isumaqatigiinnngissutit aamma maalaarutit

Isumaqatigiissut aallaavigalugu atuisup aamma Tusass-p akornanni isumaqatigiinnngissuteqartoqartillugu atuisoq Tusass-mut maalaaruteqarsinnaavoq. Suliamut tunngatilliugu Tusass tunngaviusumik maalaarutip tunniunneqareerneranit kingusinnerpaamik qaammatit pingasut ingerlareerneranni aalajangiissaaq.

Tusass-p aalajangiinera Nalunaarasuartaateqarnermut Aqutsisunut ingerlateqqinneqarsinnaavoq. Tamatuma kingorna Nalunaarasuartaateqarnermut Aqutsisut aalajangiinerat Nalunaarasuartaateqarnermi maalaaruteqartarfimmuut ingerlateqqinneqarsinnaavoq.

Isumaqatigiinnngissutit illuatungeriit eqqartuusivinnut nalinginnaasunut ingerlateqqinneqarsinnaapput, malittarisassat tamatumunnga atuuttut malillugit.

Kalaallit Nunaanni inatsisit matumani atorneqarpat.

19. Atuutilersitsineq

Piumasaqaatit uku Naalakkersuisunit akuerineqarput, atuutilersinneqarlutillu Decembarip aallaqqaataani 2016-mi.